



Broj: 14-14-8686-4/17
Zenica: 17.07.2017.godine

Autokuća UNO d.o.o. Tešanj
Kraševo broj 65
74260 Tešanj

Na osnovu člana 68. stav (4) tačka i), člana 69. stav (2) tačka e) i člana 70. st. 1, 4. i 6. Zakona o javnim nabavkama („Sl. glasnik BiH“, broj 39/14), u skladu sa preporukom Komisije za javnu nabavku „Nabavka 5 (pet) novih putničkih automobila za potrebe ministarstava i kantonalnih organa uprave Zeničko-dobojskog kantona putem finansijskog leasinga“, direktor Službe za zajedničke poslove, d o n o s i

ODLUKU

o poništenju postupka javne nabavke

Član 1.

(Predmet)

Poništava se postupak javne nabavke „Nabavka 5 (pet) novih putničkih automobila za potrebe ministarstava i kantonalnih organa uprave Zeničko-dobojskog kantona putem finansijskog leasinga“, u skladu sa članom 68. stav (4) tačka i) i članom 69. stav (2) tačka e) Zakona o javnim nabavkama, iz razloga što ponuda ponuđača Autokuća Uno d.o.o. Tešanj, nije potpuna, ne ispunjava zahtjeve iz tenderske dokumentacije i znatno je viša od osiguranih sredstava za predmetnu nabavku.

Član 2.

(Objava Odluke)

Ova odluka objavit će se na web-stranici Zeničko-dobojskog kantona www.zdk.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6). Zakona o javnim nabavkama.

Član 3.

(Obavještenje ponuđačima o rezultatima)

U skladu sa članom 71. stav (2). Zakona o javnim nabavkama uz Odluku o poništenju postupka javne nabavke izvršit će se dostavljanje i Zapisnika o pregledu i ocjeni ponuda, istovremeno, a najkasnije u roku od sedam dana od dana donošenja Odluke.

Član 4.

(Stupanje na snagu)

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 14-14-8686/17 od 12.06.2017.godine. Javna nabavka je sprovedena otvorenim postupkom.

Ukupna procijenjena vrijednost javne nabavke sa PDV-om je 120.000,00 KM.

Obavještenje o nabavci broj: 771-1-1-19-3-13/17 od 13.06.2017. godine je objavljeno na Portalu javnih nabavki i sažetak obavještenja o nabavci objavljen je u „Sl. glasniku BiH“, broj 43 od 16.06.2017.godine.

Komisija za javnu nabavku imenovana je Odlukom broj: 14-14-8686-1/17 od 10.07.2017.godine. Komisija za javnu nabavku dostavila je dana 17.07.2017.godine Zapisnik o pregledu i ocjeni ponuda, koji je ujedno i izvještaj o radu komisije za nabavku, broj: 14-14-8686-3/17 i dala preporuku o poništenju postupka javne nabavke „Nabavka 5 (pet) novih putničkih automobila za potrebe ministarstava i kantonalnih organa uprave Zeničko-dobojskog kantona putem finansijskog leasinga“.

U postupku prema izvještaju o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu kvalifikovanosti ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 1.;
- da je blagovremeno zaprimljena 1. ponuda;
- da neblagovremenih ponuda nije bilo;
- da ponuda, Autokuće Uno d.o.o. Tešanj, nije prihvatljiva iz razloga što ponuđač nije dostavio:
 - Popunjen, od ovlaštenog lica potpisan i ovjeren nacrt ugovora – Aneks VIII;
 - Ugovor ili Sporazum o zajedničkom nastupu u slučaju grupe ponuđača i
 - Izjavu grupe ponuđača – punomoć, o ovlaštenom predstavniku grupe ponuđača i ovlaštenim licima za komunikaciju i potpisivanje ugovora.

Uvidom u ponudu ponuđača Autokuća „Uno“ d.o.o. Tešanj, Komisija je utvrdila da je ponuđač dostavio nacrt ugovora – ANEKS VIII, ali da isti nije popunjen, potpisan, niti ovjeren od strane ovlaštenog lica ponuđača. Ponuđač je ispravno parafirao i ovjerio sve stranice nacrtu ugovora ali nije unio sve elemente iz ponude, a što nije u skladu sa tačkom 4.1. i 5.4. tenderske dokumentacije.

Detaljnou analizom ponude ponuđača Autokuća „Uno“ d.o.o. Tešanj utvrđeno je da je uz ponudu dostavljena i ponuda „Porsche Leasing“ d.o.o. Sarajevo. U predmetnoj ponudi nije sadržan dokaz da se radi o grupi ponuđača, tj. nije dostavljen Ugovor ili Sporazum, niti Izjava grupe ponuđača tj. punomoć, o ovlaštenom predstavniku grupe ponuđača i ovlaštenim licima za komunikaciju i potpisivanje ugovora, a što nije u skladu sa tačkom 4.1. i 6.5. tenderske dokumentacije.

Na osnovu naprijed navedenog, ponuda ponuđača Autokuća „Uno“ d.o.o. Tešanj se odbacuje na osnovu člana 68. stav (4) tač. i) Zakona o javnim nabavkama (Sl. Glasnik BiH, broj: 39/14).

Komisija je konstatovala da je ponuda ponuđača Autokuća „Uno“ d.o.o. Tešanj znatno iznad procijenjene vrijednosti (član 69. stav (2) tačka e) Zakona o javnim nabavkama (Sl. Glasnik BiH, broj: 39/14) i sredstava odobrenih Zaključkom Vlade Zeničko-dobojskog kantona o odobravanju nabavke 5 novih putničkih automobila za potrebe ministarstava i kantonalnih organa uprave Zeničko-dobojskog kantona putem finansijskog leasinga, broj: 02-14-8372/17 od 01.06.2017. godine.

Na osnovu prethodnog, odlučeno je kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba ugovornom organu najkasnije u roku od 10 (deset) dana od dana prijema ove odluke.

Prilog: Zapisnik, broj: 14-14-8686-3/17

Dostaviti:

1x naslov

1x tenderska dokumentacija



Bosna i Hercegovina, Zenica, Kučukovići br. 2
Tel. 032/460-640; 460-642; sluzbazazp@zdk.ba



DIREKTOR

Cazim Karalic